



578/4-1/21
26-01-2021

ბაღდათის მუნიციპალიტეტს

როგორც მოგეხსენებათ, საქართველოს პარლამენტის გენდერული თანასწორობის საბჭოს ფარგლებში განხორციელდა თემატური მოკვლევა „**პროფესიული განათლება ქალთა ეკონომიკური გაძლიერებისთვის**“. თემატური მოკვლევის ჯგუფმა შეიმუშავა ანგარიში, რომელიც გამოქვეყნდა 2019 წელს. ანგარიშში მოცემულია რეკომენდაციები კონკრეტული უწყებების მიმართ.

თემატური მოკვლევის „პროფესიული განათლება ქალთა ეკონომიკური გაძლიერებისთვის“ ფარგლებში თემატური მოკვლევის ჯგუფმა შეისწავლა სამთავრობო პოლიტიკა, სტრატეგიები და ადგილობრივი პოლიტიკა ქალებისთვის პროფესიული განათლების ხელმისაწვდომობის კუთხით. თემატური მოკვლევის ანგარიშში წარმოდგენილი მიგნებები ეფუძნება მოკვლევის მრავალმხრივი ჩართულობით წარმართულ პროცესს, რომელშიც გათვალისწინებულია როგორც წერილობითი მოსაზრებები, ისე - საქართველოს პარლამენტში გამართული ორი ზეპირი მოსმენის შედეგები და პროფესიულ განათლებაზე უკვე არსებული კვლევები.

ანგარიშში მოცემულია ის დაბრკოლებები, რომლებიც ხელს უშლის ქალებს ჩაერთონ პროფესიული განათლებისა და გადამზადების პროგრამებში. მიუხედავად იმისა, რომ პროფესიულ განათლებაში ჩართული ქალებისა და კაცების თანაფარდობა მკვეთრად განსხვავებული არ არის (ქალები - 43%), გასათვალისწინებელია რამდენიმე ფაქტორი. ერთი მხრივ, პროფესიული განათლების სფეროში კაცებისთვის მთავარი დაბრკოლებაა ის ფაქტი, რომ პროფესიული სასწავლებლის სტუდენტობა მათ არ ათავისუფლებს სავალდებულო სამხედრო სამსახურისგან და ამის გამო წვევამდელი ასაკის კაცები უარს ამბობენ პროფესიულ განათლებაზე (ან ფორმალურად არიან ჩარიცხული უმაღლეს სასწავლებლებში და პარალელურად ეუფლებიან პროფესიულ განათლებას), მეორე მხრივ, არსებული ბარიერების გამო ქალები არ ერთვებიან პროფესიული სწავლებისა და გადამზადების სისტემაში. აუცილებელია განვასხვავოთ 15-24 წლის გოგონებისა და ზრდასრული ქალების ჯგუფების განსხვავებული მდგომარეობა. ზრდასრული ქალებისთვის ბევრად ხელსაყრელია მომზადებისა და გადამზადების კურსები, მათი ხანგრძლივობიდან და დასაქმებისთვის საჭირო პროფესიის სწრაფად დაუფლების პერსპექტივიდან გამომდინარე.

მოკვლევის ფარგლებში გამოვლენილი მიგნებების შესაბამისად მუნიციპალიტეტების მიმართ შემუშავდა შემდეგი რეკომენდაციები:

1. მიმდინარე დეცენტრალიზაციის სტრატეგიის განხორციელების კონტექსტში აუცილებელია ადგილობრივი თვითმმართველობის როლის გათვალისწინება. კერძოდ, ადგილობრივ დონეზე უნდა გადაიჭრას ტრანსპორტირების, მუნიციპალური

ტრანსპორტის, ბაღების, სკოლებისა და სასწავლებლების ინფრასტრუქტურული საკითხი.

2. საჭიროა ეფექტურად იყოს გამოყენებული ბავშვთა ოთახებზე უკვე არსებული წარმატებული პრაქტიკა (კაჭრეთი, ზუგდიდი) და, ამ მხრივ, მუნიციპალიტეტებმა გამოიყენონ ქალთა ოთახების არსებული რესურსი.
3. საჭიროა დაინერგოს სტიპენდიების პრაქტიკა, რაც მეტად გააძლიერებს გოგონებსა და ქალებს პროფესიის დაუფლების ეტაპზე.
4. აუცილებელია, შეღავათებისა და უპირატესობის მხრივ გათანაბრდნენ უმაღლესი სასწავლებლებისა და პროფესიული სასწავლებლების სტუდენტები, რაც გაზრდის პროფესიული განათლების პრესტიჟს და გააუმჯობესებს სტუდენტების სოციალურ მდგომარეობას.
5. პროფესიული სასწავლებლებისთვის აუცილებელია დუალური პროგრამების დანერგვა (ბიზნესთან თანამშრომლობით), საერთო საცხოვრებლის ქონა, ფიზიკური ხელმისაწვდომობა (ფილიალები), რათა უფრო მიმზიდველი გახდეს პროფესიული განათლება.

გარდა ზემოაღნიშნულისა, საქართველოს პარლამენტის ადამიანის უფლებათა დაცვისა და სამოქალაქო ინტეგრაციის კომიტეტის ფარგლებში განხორციელდა თემატური მოკვლევა **„შეზღუდული შესაძლებლობის მქონე ქალებისა და გოგონებისთვის ჯანდაცვის სრვისების მისაწვდომობის შესახებ“**. თემატური მოკვლევის ჯგუფმა შეიმუშავა ანგარიში, რომელიც გამოქვეყნდა 2019 წელს. ანგარიშში მოცემულია რეკომენდაციები კონკრეტული უწყებების მიმართ.

თემატური მოკვლევის ჯგუფის მიზანი იყო სამთავრობო და ადგილობრივი თვითმმართველობის მიერ დაფინანსებული ჯანმრთელობისა და სოციალური დაცვის პროგრამებში შეზღუდული შესაძლებლობის მქონე ქალებისა და გოგონების ჩართულობისა და არსებული სამედიცინო მომსახურებების შესწავლა, რათა ხელი შეეწყოს შშმ ქალებისა და გოგონების ჯანმრთელობის უფლების სრულყოფილ რეალიზაციას. ამასთანავე, მოკვლევის ფარგლებში შშმ ქალებისა და გოგონების მიერ გამოვლინდა ის სერვისები თუ პროგრამები, რომლებიც მათი ავტონომიურობის მაქსიმალურად მაღალი ხარისხის მიღწევას შეუწყობს ხელს და უზრუნველყოფს მათი ჯანმრთელობის უფლების სრულყოფილ რეალიზაციას. მოკვლევის შედეგად შემუშავდა მთელი რიგი რეკომენდაციები და წინადადებები საქართველოს საკანონმდებლო და აღმასრულებელი ხელისუფლების ორგანოებისთვის. ასევე გამოიკვეთა მიგნებები ადგილობრივი თვითმმართველობების ორგანოების საქმიანობასა და პრიორიტეტებთან დაკავშირებით.

მოკვლევის ფარგლებში თქვენი უწყების მიმართ შემუშავდა შემდეგი რეკომენდაციები:

1. განხორციელდეს სატრანსპორტო საშუალებათა და საგზაო ინფრასტრუქტურის ადაპტირება შეზღუდული შესაძლებლობის მქონე პირებისთვის, საჭიროების შემთხვევაში კი ამ პირთა ინტერესების გათვალისწინებით შეიძინონ ახალი სატრანსპორტო საშუალებები.
2. დაინერგოს შეზღუდული შესაძლებლობის მქონე პირებისათვის სივრცის მოწყობის პროცესში ეფექტური აღსრულებისა და ზედამხედველობის მექანიზმი. მისაწვდომობის უზრუნველყოფის მიზნით, კანონმდებლობისა და პროგრამების შემუშავებისას ცენტრალურ და ადგილობრივ დონეზე მაქსიმალურად იქნეს

უზრუნველყოფილი შეზღუდული შესაძლებლობის მქონე პირთა, მათ შორის ქალების ჩართულობა.

3. შემუშავდეს მხარდამჭერი პროგრამები შშმ პირების ოჯახის წევრებისთვის.
4. მუნიციპალური სპორტული დარბაზები მოერგოს უნივერსალური დიზაინის პრინციპს.
5. ღია ცის ქვეშ არსებული მუნიციპალური სპორტული კუთხეები (ე.წ. სპორტული დარბაზები ღია ცის ქვეშ) მოერგოს უნივერსალური დიზაინის პრინციპს.

მოცემული რეკომენდაციების შესრულების მონიტორინგის მიზნით, საქართველოს პარლამენტის რეგლამენტის 148-ე მუხლის პირველი პუნქტის საფუძველზე, მოგმართავთ თხოვნით, მოგვაწოდოთ სრულყოფილი ინფორმაცია თვითოეული რეკომენდაციის შესრულების მიზნით რა ღონისძიებები განახორციელა უწყებამ თავისი კომპეტენციის ფარგლებში. ასევე გთხოვთ, მიუთითოთ ის რეკომენდაციები რომელთა შესრულებაც რელევანტური აღარ არის, ვინაიდან შესაბამისი არგუმენტაციის გათვალისწინებით არ არის მიზანშეწონილი ან/და სხვა ტიპის ღონისძიებებით უკვე მიღწეულია დასახული მიზანი. ასევე, გთხოვთ, გვაცნობოთ ის შეუსრულებელი რეკომენდაციები, რომლებზეც უწყება სამომავლოდ გეგმავს მუშაობას.

დანართი:

(1) „პროფესიული განათლება ქალთა ეკონომიკური გაძლიერებისთვის“ თემატური მოკვლევის ანგარიში - 37 (ოცდაჩვიდმეტი) გვერდი.

(2) „შეზღუდული შესაძლებლობის მქონე ქალებისა და გოგონებისთვის ჯანდაცვის სერვისებზე მისაწვდომობის შესახებ“ თემატური მოკვლევის ანგარიში - 70 (სამოცდაათი) გვერდი.

პატივისცემით,

პარლამენტის წევრი
ნინო წილოსანი





საქართველო

ბაღდათის მუნიციპალიტეტის მერია

GEORGIA



BAGHDATI MUNICIPALITY GOVERNMENT HALL

N 41/683

15/02/2021

საქართველოს პარლამენტის წევრს

ქალბატონ ნინო წილოსანს

ქალბატონო ნინო,

თქვენს მიერ გამოგზავნილი 26-01-2021 წლის N578/4-1/21 წერილის პასუხად, რომელიც ეხება საქართველოს პარლამენტის გენდერული თანასწორობის საბჭოს ფარგლებში განხორციელებული თემატური მოკვლევის „პროფესიული განათლება ქალთა ეკონომიკური გაძლიერებისათვის“ ფარგლებში გამოვლენილ მიგნებებს და შესაბამის რეკომენდაციებს მოგახსებთ, რომ:

- საკოლამდელო საადმინისტრაციო დაწესებულებები მთლიანად მუნიციპალიტეტის ბალანსზეა, შესაბამისად ყველა ინფრასტრუქტურული საკითხის გადაწყვეტას მუნიციპალიტეტი უზრუნველყოფს. რაც შეეხება სკოლების ინფრასტრუქტურას, 2019 წლიდან უფლებამოსილებების დელეგირების საფუძველზე მუნიციპალიტეტი საჯარო სკოლებში ახორციელებს მცირე ინფრასტრუქტურულ სამუშაოებს.
- ქ. ბაღდათში და მის ადმინისტრაციულ ერთეულებში მუნიციპალური ტრანსპორტი არ ფუნქციონირებს.
- მიმდინარე ეტაპზე ბაღდათის მუნიციპალიტეტში ქალთა ოთახი არ ფუნქციონირებს.
- ბაღდათის მუნიციპალიტეტში ფუნქციონირებს სსიპ კოლეჯი „იბერია“, სადაც მართალია სტიპენდიების პრაქტიკა არ არსებობს, თუმცა კოლეჯში სწავლება უფასოა.
- როგორც უკვე აღვნიშნეთ პროფესიული განათლების დაუფლება მუნიციპალიტეტში უფასოა და იქ სწავლა გავლენას არ ახდენს სტუდენტების სოციალურ მდგომარეობაზე.
- მუნიციპალიტეტში საერთო საცხოვრებლის სერვისის არსებობა არ წარმოადგენს აუცილებლობას, რადგანაც შიდა ტრანსპორტი მეტ-ნაკლებად გამართულად მუშაობს, რაც უზრუნველყოფს მოსახლეობის ხელმისაწვდომობას.
- რაც შეეხება დუალურ პროგრამებს, მუნიციპალიტეტში „განათლების, განვითარების და დასაქმების ცენტრმა“ დაიწყო 3 წლიანი პროექტის განხორციელება, რომელიც დაფინანსებულია ევროკავშირის მიერ და

საქართველო, 1000, ბაღდათი, წერეთლის ქ. #9, ტელეფონი: (+995) 591 90 90 05; ელ-ფოსტა: info@baghdati.gov.ge; ვებ-გვერდი: www.Baghdati.gov.ge

9, Tsereteli Street, Baghdati, Georgia, 1000; Telephone: (+995) 591 90 90 05; E-mail: info@baghdati.gov.ge, website: www.Baghdati.gov.ge

ითვალისწინებს დუალურ მიდგომებს ქალთა განვითარებისა და დასაქმების კუთხით.

ამასთან აღვნიშნავთ, რომ შეზღუდული შესაძლებლობის მქონე პირების საჭიროებები გათვალისწინებულია ყველა მიმდინარე და დაგეგმილ ინფრასტრუქტურულ პროექტში.

რაც შეეხება შშმ პირების ოჯახების მხარდამჭერ პროგრამებს, შშმ პირთა მხარდაჭერისა და მათი საზოგადოებასთან ინტეგრაციის მიზნით მუნიციპალიტეტში არაერთი პროგრამა ხორციელდება. ესენია:

- 18 წლამდე ასაკის შშმ ბავშვთა ფინანსური დახმარება;
- შშმ პირთა სამკურნალო-სარეაბილიტაციო ღონისძიებების დაფინანსება;
- გადაადგილებაშეზღუდული შშმ პირების ჰიგიენური საშუალებებით უზრუნველყოფა;
- მათთვის საჭირო სპეციალური მოწყობილობების დაფინანსება;
- შშმ პირთა სპორტულ, კულტურულ და საგანმანათლებლო აქტივობებში ჩართვა და სხვა.

მუნიციპალიტეტში არსებული შშმ პირთა მხარდამჭერი პროგრამები ყოველწლიურად ვითარდება და მომავალ წლებშიც მოხდება მათი განახლება შშმ პირთა აქტიური ჩართულობით.

პატივისცემით,

კახა ენუქიძე



მუნიციპალიტეტის მერის პირველი მოადგილე

